

樂志堂詩集

樂志堂詩集卷四

南海 譚 瑩玉生撰

詠史樂府

錄九十八首

滄海君

黃石公滄海君同是雷侯傳裏人
四世相韓宜一死滅秦破楚基於此
圯上老人呼取履少年氣折論迂矣
稜稜俠骨在乃作帝者師
大鋋椎傳魏禧作不遇雷侯誰復知

刎頸交

少年何如耳雅游魏滅均爲秦購求
馬箠下趙同運籌

餘與耳功原不侔，人關耳獨從。諸侯要與俱，死誠無謀。
印綬急取麾，下收勿頸交。成質首仇兵，襲常山已足酬。
類張耳人，卽耳頭。泚水之斬，還誰尤。

羹頡侯

叔客來，郾嫂苦。叔呼羹，嫂轆釜。客去羹存，宜叔怒。嫂子
獨不候，言之勞。阿父阿父，幸不組。上烹而翁，若翁語太
橫。孰與仲多言，誚兄奈何。分我一杯羹。

城下釣

報母千金意，獨真肯負高。皇作叛臣，販繒屠狗，非公倫。
羞與噲伍，甯無因。蒯通之言，夙所聞。陳豨之獄，何太冤。

鐘室誅哀王孫釣臺高母廟存何似嚴光歸富春尙父
鷹揚有齊國會在渭濱垂釣人

季布諾

丁公誅季布官言非滕令恐難安季心勇季布諾諺有
楚人仍落寞嗚呼世無朱家俠患難誰相接世無曹邱
揚闌寂徒自傷

羅雀行

君勢盛賓客多勢漸衰客幾何事固然理則那臣心如
水本無謂臣門如市先自差郊外置驛紛相過酒池肉
林翠舞珠歌等閑平地生風波此輩心跡同妖魔何心

更論翟廷尉官罷門前張雀羅

鄧氏錢

黃頭郎推上天夢中先見衣後穿不信通當貧餓死特
賜銅山自鑄錢鄧氏錢布天下噉癰之恨胡爲者衣食
至煩人暫澁一簪不得著一錢不得名帝王難操富貴
權章縫乃學錙銖營

罵坐謠

使酒罵將軍辱戲騎縛潁川族飛語聞魏其戮視鬼瞻
丞相服酒食胡爲興大獄淮南金錢問誰贖首鼠轅駒
均錄錄親連肺附誰魚肉東朝共論此翁禿深夜霸陵

聞鬼哭

故將軍

君王且惜不逢時材氣無雙天下知身經大小七十戰
不侯乃不安數竒東行失道實天意幕府上簿尋常事
功名遠遜下中人愠怒豈堪刀筆吏曷不頭銜恒署故
將軍藍田射虎原遊戲衛霍兒皆醉尉

沐猴舞

醒且欲狂何必酒况值蓋君杯在手誰效沐猴兼鬥狗
少府列卿顏孔厚美哉富貴非常有此如傳舍原難守
忽則易人誰任咎亦唯謹慎差能久仰視屋言非酒後

君侯諦聽言狂否

長門賦

平陽謳者誰相妒竟治巫蠱君王怒詞臣珥筆深宮知
上林賦後長門賦長門賦金百斤李協律歌聞未聞金
屋貯難回武帝白頭吟卻苦文君

撲滿歎

食一肉飯脫粟故人共仰三公祿東閣開賢士來膠西
長屈董生才轅固譏汲黯詰客館且爲奴婢室牧豕寒
布被煖偏有故人貽撲滿

負薪謳

山濤妻忍饑寒不知堪作夫人否度勝嵇阮宜金蘭翁
子妻乃不如負戴相隨四十餘餓死溝中緣讀書富貴
報汝言當誅家貧刈薪非丈夫三長史獄求生難富與
後車載歸同厚顏何似行歌道中負薪墟墓間不見君
家隱士馮妻子伐樵采箬會稽山

見宋書朱
百年傳

臣朔飢

侏儒飽臣朔飢索米長安親近誰大官來臣朔去拔劍
割肉反自譽館陶公主私董君主人翁稱由至尊元光
將相多賢臣宣室置酒曾不聞辟戟乃出詠啗人情哉
賜金三十斤有詔仍入東交門

霍將軍

田延年杜延年嚴延年語判然均可傳霍氏禍萌驂乘
前顯乃弒后宜舉先吁嗟乎不學無術伊周續似寇萊
公傳能讀官家延慶將軍族通天臺圮忠魂哭

教兒詔

傾身許史風誰染有兒如此真無忝頭觸屏風杖不辭
大人胡爲教兒詔治倣東海嚴乃不如其廉前攻石顯
亦足憚後賂陳湯却不嫌朱孔公卿咸滯郡得人帝城
死無恨教兒詔遵嚴訓

同姓卿

王氏尊劉氏危臣不言當屬誰上封事輒人之君且休
吾將思知臣忠爲所持國命不絕如懸絲後十三載國
亡稍遲臣不誅臣不放屢賜清閑指圖狀外戚十侯兼
五將愴絕千秋同姓卿前有屈原後劉向

折檻行

尙方劍斬佞臣安昌侯禹聞不聞勿治檻旌直臣叩頭
流血辛左將軍鞠獄乃說車邊斤穩坐癡牀大有人奏
章吾亦欲云云似聞龍虎大王至雞鵝諫議真絕對

五侯鯖

敬容殘客何能對君卿脣舌偏無礙姓名游俠傳中人

調停卻到屠酤輩骨董羹盤游飯豆粥萍齏咄嗟辦市
重有人推食憲顯者來合妻妾疑王商車下立移時年
來名紙生毛者飽五侯鯖止自知

拜牀下

後堂理絲竹田業極膏腴置酒設樂羣相娛國家與大
政父子論私情家塾更請肥牛亭吏民上封章保傅談
經術外戚何難兩言黜聖人從來不語怪特進恐先王
氏敗絜齋僅學市人占臨問親從牀下拜

董賢來

董恭昔曾爲御史賢今權乃侔天子並作三公自不慚

賢私過光光可已戒衣冠董賢來賢至門光卻回賢下
車光敢陪賓主禮決不宜湛深經術明經義立嗣獨能
持異議聖人之後先師嗣孝哀崩後董賢誅搏擊又承
王莽意

投閣哀

太元擬周易法言擬魯論胡爲劇秦而美新卽擬相如
班固曾非倫嘲無可解嘲亦樂冀以三公酬著作奈何
落寞但校書復恐株連自投閣歸來平免官卜宅業農
桑有人載酒從遊學

昆陽行

社鬼夜窺宣室殿白水真人起乘便從古治軍不在多
倉卒收兵都選鍊雷雨四合昆陽城轉笑重瞳鉅鹿戰
長平坑趙卒淝水破秦軍曹瞞兵法孫吳似官渡烏林
勝負分

井底蛙

紫色蛙聲作天子井底蛙宜思崛起修飾邊幅備人耳
何足久稽天下士吁嗟乎光武差能臣馬援殿中龍瑞
乃等闕伐蜀更有吳與臧八戰八克成都降

爲善樂

爲善樂爲善何樂言出宗英益難學宗英兩漢數間平

東平輔政尤威靈返國懷思歌采菽更詔名言副腰腹
君不見慈仁忠孝不敢云聲色狗馬仍非真論者乃稱
能屈伸

褒德侯

六人同縣偏同志名重當時皆不仕宰密曾傳教化行
置令不嫌仍理事褒德侯封太傅尊逢萌周黨儼非倫
班書重訂終循吏范史宜編冠逸民

汴渠成

右隄傷左隄疆左右俱疆下益傷縣官豈不先人急培
薄增卑事難集汴渠開王吳來汴渠成王景名下民昏

墊不堪命此時安能待平靜吁嗟乎世間不乏浚儀令
誰憶上書陽武令

伏不門

兵起平原仍教授倉卒亂離中能令禮樂後爭論廟中
誰舉奏清靜人推伏不門門下督乃可收世傳經封列
侯隆也郤完蘇武節孔光張禹會誰屑

白馬生

拾遺補缺推諫臣從古格心原乏人惜哉光武賢明君
涼德至乖夫婦倫郭后之廢誰與爭韓歆已死廷無人
陳諫空傳白馬生白馬生明且哲君章有言言不必

避二鮑

司隸徵都官辟斂手帝先虞貴戚不遺舊不忘君子孝
言之意難釋指天畫地臣無狀固請懸知非怨望空使
司徒成禮葬司隸出爲東海相

廉頗後

褒臣曾祖丹臣祖無斯志膽足繩武敢背朝廷異公府
師資情重君王怒吁嗟乎蜀郡資送非無因難汚氣俠
立名人交慶鴻葬鄧融周嚴麟君王知汝廉頗後柰何
依倚竇將軍

王伯齊

久宦不達將奚爲載鹽往來人莫知所過糞除安得辭
號爲道士環相嗤一見聖主決不疑能動萬乘緣遭時
及爲三公無威儀奉公盡節甯有私品藻此時方貢禹
遭際當年如范睢變姓名王伯齊

收陳歆

督郵罷天乃雨宰相罷天乃雨

寇萊公事
見塵史

彼陳歆曷足

數不遇司空默無語吁嗟乎司空本偉人司空原大臣
監門鄭俠繪流民

山公嫗

歲歲爲尸公嫗多樂神巫自舞娑娑山靈有知當奈何

夫婦道絕理則那民也安知神喜怒巫也久爲神眷顧
民有子女自爲婚娶巫有子女合爲公嫗百歲因緣父
母睽一家眷屬英靈附

馬如羊

不敵何妨勒兵出諸羌和親乃相率金釀八枚馬廿匹
詎是懷中廢中物羌性原貪尙清操財貨久知都尉好
正身絜已威化行功賞不行何足道君不見梁州刺史
有左昌卻借軍興而斷盜未罪蓋勳收者到

吾道東

山東無足問貧筴西入關三年不得見召見乃卽還幅

巾詣何進安車謝袁紹委身梁竇曾誰料吾道東矣終
何如萍浮南北歸故都客耕學徒轉相隨儒者之節能
不拘黨附知之弦誦初通儒忍作絕交書

張曾子

鄉人夙號張曾子出入自然能合禮仕終郡守緣知止
交際未妨辭戚里不辱親者端如是太保王祥非孝矣
字升卿

半生決獄能持平子孫何必不九卿取以字詡非無徵
舉刺權威多直聲刑罰譴考皆屢經去官朝右思忠貞
殺賊朝歌臣職守數百人中寃或有獲罪於天難任咎

惜哉二十餘年間家門不復增一口事君行已兩無慙
深虞殺戮傷忠厚吁嗟乎酷吏張湯仍有後

奪牛翁

女子亦知韓伯休亭長乃奪徵君牛田叟合供橋路修
元纁安車迴不侔謁奏無難致之死會見路旁田叟喜
殺之卻匪徵君耳使者不言吾去矣

祭皋陶

黨人共詣黃門獄誹訕朝廷亂風俗敢謝囊頭與三木
禁銅無難竟五屬或未交關罹禍毒清節况推州里服
幽深牢破室族皋陶聞之當痛哭區區一祭能徼福吁

嗟乎此風代煽及前朝國運偏隨黨禍銷誰秉鈞衡知
剝復承平先自祭皋陶

因樹屋

因樹屋良不俗買山而隱無奇福艾席葭牆願易足黨
銅况將興大獄生芻不羨人如玉傭工早覽興亡局平
壤人間勞卜築咄哉荀爽韓融祇自辱

埋車輪

跋扈將軍安可恕巡行風俗乘輅去咄哉豺狼竇當路
便問狐狸宜暫住輪埋都亭書奏御椒房恩寵仍呵護
封豕長蛇心震懼詣闕他年有袁著矯枉過直非無故

君不見侍御有人言白兔擒虎尋龍煩上疏

狀人紀

東漢由來足名士像贊編連成信史激揚題拂虛語爾
品覈雌黃爲禍始有道人倫劭人紀黨錮流風吁莫已
何似嗣宗言元遠無臧否

誅宦官

誅宦官死遺恨前竇武後何進復有王芬可同論噫嘻
鄭注王涯都一例政委家奴宜受制惜哉唐文宗未如
莊烈帝乾綱獨攬誅客魏卻使杜勳仍富貴敢縋城言
遜位

征西墓

亂世姦雄治世能臣不爲天子爲將軍稱帝幾人稱王
幾人七十二墳惟識君虛名區區公且惜賣履分香竟
何益西陵墓田果如昔三馬食槽非渺茫才優晉宣帝
事媿周文王

二荀令

漢荀彧尙書令魏荀攸尙書令尙書依然臣魏朝漢家
宮殿莽蕭蕭關中河內誰相比王佐才知漢天子九錫
之加聊復爾不聞畱侯更爲韓王死更不聞淮陰曲逆
翻爲楚王死

救命計

絕袁劉張繡存思袁劉文帝安二荀同傳如申韓魏祖
舊臣多不逮門智悉能知事勢赤壁烏林誰失利天教
亡漢宜歸魏吁嗟平董卓方誅漢業隆誰畫當時救命
計

縛虎行

騫騰喻養鷹局促笑縛虎狼子野心誰養之紫綬好金
庸博取生降亦虎癡軍中有許褚景升兒本初兒豚犬
羈英雄亦藉臥龍飛江東鋒獨避猢猻兒

曹娥江

問天胡爲醉如此迎婆娑神溺而苑女求父尸復投水
咄哉一十四齡耳扶植綱常重倫紀端陽節烈事何多
江干竟日聞笙歌君不見楚屈原漢曹娥

渡瀘水

吳魏版圖居蜀右况虞蠻獠乘其後百戰三巴方可守
四郡通蠻非蜀有春夏之交瘴癘多黃龍堆沒興濤波
全師五月渡瀘水艱難締構蜀山河中原剋日尋干戈
渭北漳南偏唱公無渡擊楫英雄終奈何

柳下鍛

竹林游偕六賢柳下鍛神夷然生平解著養生論當隨

孫登王烈求神仙吁嗟乎呂安之交何可絕鍾會逕來
宜落寘豈聚六州鐵鑄成此大錯

麾扇渡

重望著東南從容平禍難陳敏非霸才一麾眾潰散羽
扇綸巾諸葛公未必頃刻收奇功好琴嗜酒啗行炙風
流宏獎嘉興伯千年古渡人猶識死後定煩殷祐賡功
高第仿齊王格

五湖長

畢生長五湖依然幹蠱事流芳百世難遺臭萬年易龍
行虎步婦孺知未妨一舸學鳴夷書畫服玩隨亦宜一

世之雄愧劉裕舟中自作起居注玉導乃貽馮督護

臥北牕

清秋醉東籬長夏臥北牕代何知魏晉人自謂羲皇吁
嗟乎臣祖能延晉祚促而孫濃睡真癡福遶屋扶疏閒
草木第書甲子明衷曲兩代同編隱淪傳夢中畧管興
亡局

葛燈籠

麻蠅拂葛燈籠牀頭土障殿壁空可憐子孫奢縱同微
時耕具在故宮伐荻新洲帝業隆衲布衫襖滅后縫錦
囊擲地偏匆匆述德乃有袁侍中後嗣猥言田舍公

無負公

膽生缺本貧賤叨忝來十人饌朝夕所須微過豐此外
一毫無負公嗟嗟檳榔消食恒苦饑富貴貧賤皆危機
丹陽尹可爲布衣畫策權重均嫉之不修拘檢偏見思
追甄士宇加正司不死義熙年燕趙勞經畧絕似周文
帝尙書委蘇綽

東堂射

貧蹟甚難營一游如意人能見讓不逕前共射殺獨留
子鷲殘夷貿首仇褊躁宜非劉裕儔家無儋石儲一擲
竟百萬盤龍亦英雄飲饌乃餘恨嗟嗟悅疽發背誰復

新刊詩集卷四
七
憐未識貴人貧賤年
刻意炎涼原太偏
君不見行觴授酒炙
前有顧彥先後有陰子堅

夜量沙

畧地轉戰資糧先量沙
幸使全軍還何如庾域守南鄭
空倉封題支二年米少偏聞夜唱籌
雄名共振檀江州圖以禳鬼敢逼不疑畏
乃曰仲達儔目光如炬憤見收引飲一斛脫
幘投瓜步兵來登石頭長城自壞空復憂
古今名將戮一例白符鳩

石頭城

風雨如晦雞鳴不已飯酒無偶聊相要耳
惟公及粲國

家所倚才貌非常應作天子黃羅襪著特召卿伊霍之
事季世行寄公心腹宜忠貞一木難支大厦崩吁嗟乎
袁粲死褚淵生名士披猖胡至此千秋遺恨石頭城

風流相

斜插簪解散髻江左風流原一例名相須論匡濟材連
姻剛值興亡際母武康妻陽羨奈何勸進齊高帝嗚呼
本爲宋外戚乃作齊元勳當思何點贊先與彥回言官
臣慙謝朓家族愧王琨絲竹中年經術似謝公終不仕
桓溫

開西邸

名高望促王元長矯詔便欲立子良清尙乃更推西昌
宗祀覆滅身喪亡西邸開八友來特親厚真危哉傾意
賓客時望隆多聚古人器服充惜哉乃有蕭老公游集
半爲梁佐命風流名士非英雄

封侯相

庾夔貌豐美卒以餓而歿褚蘿面尖危衣食乃無缺咄
哉封侯相面必方如田天子交手戲早知貧賤年富貴
不可希將校何難至畧事有卿名我不復畱意嗟嗟虎
頭燕頤命安排輒下牛偏廟側埋侷蕭猷終一死豈
緣廳事八關齋

桃花米

活三千人妾食麥死贖桃花米
甘石浣衣爲歛雜木棺
不以一物煩新安才子循吏兼
最難綠沈瓜合投於盤
吁嗟乎指南何託元龜何寄西華冬
月練裙葛帔儀表
長謝哲人云亡孝標著論孟門太行

金蓮華

閱武堂前種楊柳至尊屠肉誰酤酒
金銀鎧冑孔翠裝
禦雨黃油剛裹首至尊築苑名芳樂
珠簾錦幔笙歌作
雕鏤雜物急倍常斷金早報王珍國
吁嗟賞賜偏惜錢
珍寶委積清宮年果令黃金土同價
帖地步步行生蓮

胭脂井

陳叔寶無心肝一死殉國原非難美人血漬金井闌南
朝井君王辱北地山妃主哭夜游曲似後庭花晉井人
猶弔麗華絕憐異域飄流者不僅楊家共李家

比張良

織甍懦弱能彎弓兵甲乃貯於胸中蒙遜使當知崔公
朕味卿言鹽酒同如何彰國書北人咸忿毒意狀果受
賊姻親盡夷族吁嗟乎厲階成公圖之館客言吾方思
陰害足貽禍始惡有終殃餘地畱處人何至促喪亡未
如誠意伯謀計比張良

樓懸鼓

樓懸鼓李崇始雙槌亂擊千村起俄頃之間聞百里險
要伏人禽送矣充土能令劫盜止吁嗟乎何村無一樓
何樓無一鼓羣盜竟如毛使君非臥虎

肉飛仙

吳興沈總持上繩禪定寺拍竿至龍頭透空掌拓地仍
偕鐵杖子同爲阿廢處百人無一降義憤田橫似吁嗟
乎天下不平事全仗惡少年已難逢劍俠可購肉飛仙

雙兔碑

射雙兔後立碑禽葛榮符誓詞蛇頭兩角畜牧滋簫鼓

音出祁連池酒酣耳熱歌普梨弓箭刀槩手不離一鹿
數人頻列圍韓彭伊霍擬恐非卽今天下便無賊拔千
牛刀手斬之

翦惡馬

臣聘武明始有馬君十二谷何爲者憔悴故未之奇也
不加羈絆翦而起惡馬惡人均似此終當穿鼻於其子
洛陽來三百匹盡奪之掌握物當年訪時事屏人牀下
坐伏處如鷹犬重誓論香火

理亂絲

理亂絲抽刀斬不及父兄才未減軍容嚴盛高歡死意

識過吾乃如此顛顛癡癡作天子吁嗟乎正道尙幼人
將奪初學反語遽能達使手刃囚心慚怛奪時但奪慎
勿殺

黃頴兒

黃頴兒拜誰屑勲舊豈容私召殺詔捨之仍進謁金石
可銷言不滅吁嗟乎捉一天子牽下殿捉一天子推上
殿殆甚偷驢摸犢賊節閔賢明悻作色畢生建義勲猥
言稽古力

芒山戰

芒山戰馬中流矢籠東軍士獨住此以策擊背敵不疑

未如紀信畧相似特賜鐵券恕十死將軍貴盛原無比
十三環金帶錫隋愚智共悉周德衰子孫襁褓儀同宜
一門象笏仍當時

獵三堆

獵三堆殺一圍晉陽已陷烏知之粧點共觀奚怖爲有
功宜著禕翟衣雄畧倘師婁太妃有人引長弓射飛鳥
落翔鳴如何續命難如絲死生一處憐昔時琵琶弦屢
斷老嫗愛難衰

射雕手

威震關西射雕手束髮從戎功不朽周人冬月椎冰守

此人若在至鄴否命會射觀之泣我子孫彌不及弦
颯涼風堂盲老公誅相王萬里長城斛律光

潘將軍

古今女將誰英雄高涼洗氏真精忠秦家良玉出蠻峒
錦袍躍馬桃花紅颯爽豈有男兒同奈何齊驅復並坐
談笑自得對僚佐洛陽失行伊何人不善騎射仍紛紛
吁嗟乎世多楊大眼卻誚潘將軍

人師難

經師易人師難行同曾閱誰譏彈經師難人師易學如
許鄭無遺議人師經師世豈多好爲人師當奈何嗟嗟

祕書豈以一言重六年哀毀營墳壠諸王之拜非殊寵
劉石經

劉石經音義明晝傭書夜誦經王肅乃識劉芳名崔司
徒拒不見值流播豈微賤表讓中書償宿願併日易衣
了無恨經生盍覽窮通論

驚蛻蝶

驚蛻蝶何翩翩按之入地舉上天爲卿作佳傳穢史眾
誼然文宣非太武幸不誅史官聘游賦懷離賦崑崙舶
偏門客遇發冢棄骨誰復憐提獎後輩名行先戒厲乃

首枕中篇

哀江南

哀江南賦一篇韓陵片石可並傳滕趙交若布衣位望
通顯江關思興亡自古如棋局冬青樹死遺民哭風雅
總持原自辱夷齊誰使餐周粟

御龍舟

傅脂粉坐深宮此何禮帝江東御龍舟舟四重水飾圖
經論撰工五子歌巡狩同無人庭草綠燕去畫梁空外
間大有人圖儂果不失作長城公

青驄馬

青驄馬先渡江黃斑謠名字詳執得天子陳國亡美人

井殉蠻奴降功踰西晉王龍驤角巾東第本不妨與樹
爭功封壽光生爲上柱國死作閻羅王

錐刺舌

皆爲大將軍恃功令自殺臨刑引錐刺兒舌欲平江南
陳已滅大將誰惟所擇果御授平陳策太猛心形言色
尤疎忌議得失格外酬賞還望活舌血已乾流頸血

搥馬詞

馭惡人如翦馬雄畧豈出高歡下高歡篡魏武篡唐六
龍御天女主昌燕啄皇孫祚將盡幸未併殺廬陵王轉
笑將軍名五孃酷愛蓮花似六郎宮庭慙德乃跨竈汗

馬創業唐文皇

含玉魚

玉魚含肺病可驪山温湯新浴者豐容盛鬢犀簾下海
棠春睡兼宜夏荔支一騎紅塵赭吁嗟乎鈿蟬金雁淚
痕斑聽雨淋鈴增莫寒可有玉魚蒙葬地相隨錦襪出
人間

偃月堂

腹如劍口如蜜林甫奸有仙骨伏獵稱侍郎書題錯弄
麈重關複壁裏危坐偃月堂楊國忠安祿山誤國尤推
林甫奸獨據槐鼎十九年誰使曲紅張早吟歸燕篇

冰山謠

積雪叢叢冷光射造化在手無冬夏知冰是水本非難
地久天長得清暇冰山易琢良易摧消融彈指誰屑哀
漁陽鼙鼓雷聲似萬馬冰天雪窖來

陳濤斜

春秋以車戰後賢明仿之房瑄陳濤斜幾令唐祚危吁
嗟乎張許孤忠同喋血破曳落河仗劉秩知己一無恨
詩史杜拾遺虛名畧似張忠獻心學睡語潰符離

白衣山人

聖人黃衣臣白衣山人本色天下知
頰殘煨芋疆饒舌

十年宰相誰相期處人家國談何易四君中禁同多事
神仙偶遊戲安危膺重寄漢有張子房明有劉誠意諸
葛公論位置

藍面鬼

藍面鬼忠臣子作相臣忠良死人言朕不覺內險外寢
惡麀頭鼠日久柄國吁嗟乎以貌取人失子羽防患羣
推郭尙父有人冠玉如陳平一例姦邪善鉤距

王鍬槍

廬陵一傳足千古豹死畱皮仍腐鼠主愛擇臣臣擇主
功名笑馮道出處慙馬援亞子鬥雞小兒耳奈何低首

事朱溫五代史無完人王鏐槍梁盡臣

金匱書

長君世及真良圖宋禍乃萌金匱書館師佐命預家事
交通堂吏多厚誣咄哉幹離不狀類藝祖廷美後身王
介甫事同誅管蔡心可謝朱均脾單濃烟識火字醮章
風墮朱雀門

澶淵行

幸成都幸金陵準決戰當親征銅梁門鑄造成瓊參謀
當進兵渡河遠近嵩呼迎歌謔飲博如尋恒縱未稱臣
獻幽薊議和何必多金縉貝錦南箕譖誰誤澶淵一擲

真孤注北門鎖鑰雷州去

一綱謠

外惟宗澤內李綱東南半壁關興亡力主和議憑汪黃
試覽靖康傳信錄趙構東宮親屬目忘父兄仇甘蛾伏
傾軋更有張魏公南渡中原不可復蘇武合傳唱多一
綱謠奈若何

徵瓜事

徵瓜事備尋恒耳居安獨優良可已人言彥逸必不安
數日踉蹌補外矣吁嗟乎學問文章有定評帝王權貴
且爭名君不見魏武竟誅楊德祖隋煬難容薛道衡

捕蟬合

契丹苦戰楊業亡名將首推曹成王依然未敢與之角
趙宋盛時原積弱軍中號令本最先澶淵而後太平年
熙甯事事思振作殿帥治軍合捕蟬

翠寒堂

萬木陰森日光碎鳴泉漉漉殘秋在祕省何知六月寒
白綾半臂蒙恩賚學士才筆誰與儔奉使當年剛被留
禁籞翠寒偏不耐陰山風雪可勝愁

婢續詩

行人日在紅塵道豪家是處蓬萊島兒女心情愛續詩

水亭避暑人不知吁嗟乎儒生崛起爲名將父子弟兄
皆閭望奈何盛暑貪邊功全師半溺汴河中又不如閑
眠微醉做銀樅消受芳姿團扇風

萬柳堂

傳唱新荷經驟雨聲伎接歌非舊譜太平宰相秀才官
當年文讌論千古書畫人知特擅場翕然經濟與文章
重臣宏獎王孫貴劉整令參政事堂

樂志堂詩集卷四

樂志堂詩集卷五

南海 譚瑩玉生撰

補禽言六首

兜兜

吉弔雀兜兜雀人生何哀雀何樂人聲偏樂雀偏哀兜
兜去復兜兜來吉原宜弔不宜賀燕雀之來分任過

又

兜兜兜兜誰喜誰憂甯爲鷓鴣不學鴝鵒吉宜弔凶宜
笑賀者晨趨鬼夕嘯

又

兜兜兜兜行人兜竹兜竹兜行不已五月盍歸休人不
休鳥代憂鳥胡爲弗留廣博物志兜鳥其聲自號正
月以後作聲至五月節不知所
在

鈎割

鈎割鈎割鈎鈎割田農凶豐汝能別昨歲亢旱人不知
今歲何如向余說鈎鈎割鈎鈎割

又

鈎割鈎割不論耕耘計收割鈎鈎割鈎鈎割無處耕耘
有收割無衣無褐

又

鈎割鈎割忍作鈎鈎割凶年無可割村落無人活鈎鈎
割鈎鈎割凶年轉先割催租來汝難脫

先顧

朝朝暮暮百年朝暮山有尉羅如之何勿顧先顧先顧
烏知之人顧疑當告誰

又

先顧先顧不顧甯無誤夜寐夙興先決後來之故

又

先顧先顧果誰先顧不顧縱無妨顧之當不誤不同五
色雀迎人未甘投老山中住

克丁當

蝶疑仙子翬禽非
仙子珮乍聽
克丁當
麻姑杳何在
克丁當
能擣藥玉作杵
白閑復閑飛
往飛來紅翠雀

又

克丁當
克丁當
郎君劍珮終
郎當何不學
仙擣藥
忙山蒼蒼

又

克丁當
克丁當
尙說求仙事
渺茫親見麻姑
話海桑月
明風細
夜初長
定煩玉杵
搗元霜
小似紅蝴蝶
珍同白鳳凰

泥滑滑

瀟瀟風雨天如墨苦竹叢深望南北呼泥滑滑聲不停
行人聞之淚沾臆淚沾臆歸來平行不得行不得竹雞
不聞聞鷓鴣

又

泥滑滑泥滑滑晴不出門雨剛發雨出門滑猶可晴出
門滑能跛

又

泥滑滑泥滑滑馬蕭蕭車軋軋行人淒然鳥愁煞愁煞
苦語君行人聞不聞

都護

文采相矜復相顧東風飴蕩吹花樹怪在王侯將相家
背人亦解呼都護都護誰雄並雌都護汝作眉語

又

都護都護不同丁督護督護誰離鸞別鶴都護誰珠簾
繡幙

又

都護都護敢信文章天所妒羽毛豈合樊籠住且住且
住無用君當恕司空綺語鷓鴣賦獨說文章之故

漢鳳紐白玉印歌

有序

漢鳳紐白玉印文曰婕妤妾趙向爲龔定菴舍人所得定爲飛燕趙后物詩文並載集中後歸潘德畚郎中而程春海侍郎吳荷屋中丞又定爲鈎弋夫人物均未見其必不然然鈎弋雖奇女以視宜主幼聰悟積思精切且顓事膏沐澡粉其費無所愛者其好事固當不同至謂掖庭發狀北宮啄矢其印當毀安得流傳則從幸甘泉有過見責以憂死者又得流傳耶况懋膺洪冊踴躍遺書則姊妹當並工詞翰縱不必泥印末一字爲鳥篆鳥之喙三鳥之趾二故知隱寓其號亦無不可定爲昭陽舍中物矣楊妃之錦襪明鄭貴妃之敕賜袈裟後世

猶豔稱之作詩以紀怙寵者亦增人太息矣歌曰

色如紅玉美且都初選入宮爲婕妤好諒無燕銜白石墜

貴傾後宮安所須色原出世才何如但矜面壁徒區區

瑪瑙盤還孔雀扇琥珀枕並鴛鴦襦鳳凰寶琴身與俱

翡翠筆牀離手無譜成歸風送遠操武都紫泥鈴尾濡

殿上棊漆中庭朱砌堵銅沓黃金塗所出雖微后竟立

并置璽笥甯非誣五采組文手篆符以召合德仍煩余

慵來粧成水滅火兒拜固當持贈渠萬年蛤與夜光珠

唾人紺袖石華腴侍兒不傳后書答報以沈水香玉壺

綠綈方底絳囊書御史中丞印有餘此時諒久置篋笥

怡與血淚爭模糊摩挲弔古心煩紆作此狡獪能仙乎
料亦少年偶遊戲堯母奇女原無需奉華劉娘宋代姝
能書善畫當方諸却署閉關頌酒裔意氣昂藏幾丈夫
宣德胡后長門居鐫賜象牙恩則渝厚載崇德竟誰謂
遜此紀實言非虛荒烟蔓草同邱墟擁髻樊通淚亦枯
三千餘年印獨在寶燕有閣吾當租兒女情深形迹殊
徐夫人印嫌相污君不見衛青騎從將軍貴刻玉爲文
公主奴

南漢樂府

錄廿六首

儀鳳樓

天子洛州一刺史安事梯航勞萬里楚兵已敗師難已
踰年遣將征交趾大將誰梁與李儀鳳樓倂曲承美謂
爾僞庭常語耳遠事僞庭胡獨恥節度叩頭知請虜十
二州真劉氏地三千人假楊家子戰死又說程承旨

呼鸞道

歌舞岡荒尉佗去呼鸞道築劉郎駐此地曾經歌舞來
合與羣臣宴游處咄哉劉龔非英雄金鍾酌酒臺基空
蠻夷大長不可作風流天子將無同芙蓉甘菊環雕輦
牛角山河容展轉殘陽槁木鷓鴣飛細雨平蕪蝴蝶散
弔古人登鎮海樓嶺南霸業銷沈盡

置五嶽

置五嶽五嶽何容置席捲中原皆可至紛紛割據談何
易夜郎自大原兒戲郴州意謂窮荒地逼處南隅知狹
隘獻賦數劬珠可賜封禪書成方逞志不學秦始皇不
學漢武帝南詔異牟尋鳴張兩無謂君不見晉割燕雲
宋未收恒嶽人言宜望祭

入城錢

鑄錢寶始乾亨年銅一鉛十原相沿馴至大寶政益煩
城外用銅城內鉛入城民乃輸一錢以銅復更何疑焉
百官俸賜多不然殿飾一柱金三千無名之費壑可填

斗粟五錢民又傳

沈香臺

龍腦名香不充貢南薰殿柱皆清供拙哉沈水輪車燒
爭似廿四仙人詔藏用天子風流嗟劫灰斷將沈水飾
高臺嶺南從古稱香國括香香市殊堪哀臺成却觀垂
涎至妖蜃毒龍良久視簾外止聞腥穢氣

碧落洞

湯鑊鍊牀生地獄秦皇漢武無其酷神仙聞之當痛哭
君王却向山中宿得遇神仙苑亦足已獲靈丹胡不服
野人短褐君王辱雲華御室文章俗碧落洞天山水綠

依然縹緲仙山局此時宋祖受命初笑謂太平還信無
希夷先生方墮驢

候曉窗

脫簪永巷知無人景陽鐘聲仍厭聞咏絮清才偏不少
朱雀牕中齊候曉豈必荒淫待早朝六宮俾度可憐宵
祇爲君王長夜飲請看錢武肅王欹警枕

媚川都

足繫索索縋石三千人五百尺飾殿宇飾梁棟課定何
知溺死眾媚川都置珠人痛欲以空城貽趙宋嗚呼煨
燼偏存卅六甕

潤家錢

祿給銅錢特主恩時會乃設潤家錢事例卑猥甯足言
吁嗟乎一銚猶然款賓友吝嗇偏緣賞賜厚地狹力弱
知然否潤家錢今復有

又

禮經曾言富潤屋宴有潤家錢不俗分饋阿堵始此年
文臣不愛知難言州縣僚屬何譏焉君不見趙家帝憶
桑維翰賜予無妨十萬貫措大眼孔何曾慣塞破屋子
仍愁嘆

鐵柱謠

玉柱繁華鐵柱堅，乾和殿鞏萬千年。
賸水殘山撐不住，笑聚六州而錯鑄。
荆棘銅駝曾幾時，大廈原非一木支。
風流天子真過慮，悔不玲瓏刻鏤也。
作然香具。

銅像嘆

兩首四臂民生子，大寶禎祥可知矣。
形同木偶真愚騃，範銅鑄像胡爲哉。
不肖良冶殊堪哀，酷肖猶然作鏡材。
銅仙面目禁千載，不堪回首朱顏改。
大梁布衣舊風采，淨慧寺中羅漢在。

內太師

家室子孫無可戀，掖庭諸局三公選。
南漢興亡宦者傳。

赫赫頭銜內太師國運先隨國政移自宮求進風何惡
前龔澄樞後李托椽人烟戒亦昭然快哉駢斬千秋門
禹餘宮使邵廷塌沈口至今遺廟存

女侍中

爲侍中爲才人冠帶備位如朝臣乾和中大寶中可否
參決皆深宮聚麀之誚何譏焉指之詳覽吁可憐前有
武媚娘後有盧瓊仙南漢倖不亡可似改元光宅年

門外人

門外人門外非無人宦者二萬皆親臣門外人門外豈
有人下之蠶室方得君狀頭進士何不倫下及僧道尤

難言自宮求進誰屑聞門外人有室家有子孫門外人
宜遠征宜隱淪此何時猥守官

机上肉

名山記離宮碑臣之職拔賀州取昭州一言力藩府舊
僚宜直言誅亂法者誰當先言之不從當反覆反覆不
從去宜速至繫含章樓方知机上肉爾子不並誅未必
如伍胥闔寺由來多厚誣鏟草豈復留根株

泛杯池

杯來急杯來遲劉王沈醉不復知誰憶廣民酌水甘如
飴杯流遲杯流急宮人爭先笑聲合何似講武池邊捧

杯泣

又

羽觴隨波今昔宜白雲山鑿流杯池何惜一城人飲此
離宮占盡辭辭水一杯一杯復一杯酒光激灩波滌洞
翻笑先皇長夜飲樂趣不如臣遠甚碧桐開後野棠開
樵汲斷翠華來

補砵莊

佛家流傳重衣砵指痕偶觸烏能缺佛家供養需田莊
心願所觸甯相償粉侯功德終何許公主長生佛無語
法器淪亡端有時提學經過佛未知

又

佛家衣鉢誰留取，卻煩貴主莊田補。貴主田園今倘存，
勝似枯禪衣鉢傳。大因緣大願力，缺陷猶然佛功德。有
消息，有盈虧，懺悔兼令佛護持。君不見，邊庭淪落不勝
悲。南唐公主李芳儀，君王自作降王長。公主存，亡人莫
知。

樓羅麻

樓羅麻樓羅麻，女本司花行不得。獻粟金，獻粟銀，花禁
禁花仍禁人，鬪花勝負君王慣。鬪國興亡非變幻，暇會
詳檢魚鱗圖，戶口猶然十七萬。

扇子仙

大暑何如酷吏酷宮扇風來偏不足園林是處芭蕉綠
不問主人非看竹扇子仙題興土木蟾妃微笑千家哭
宋祖亦微行約同光義至逕詣趙韓王叩門風雪際

紫霞裾

遠游冠紫霞裾國事多叩爭附之天使妄許龔溼樞陳
寶玩設帳帷臣罪不問奚爲乎宮掖又引梁山師楚禩
越女本荒唐鬼笑靈談動帝王帝王禍福勞相決怪得
巫身降玉皇

紅雲宴

四月紅驅車日日到離宮七夕紅張筵日日趁西風不
有離支千百樹汴京無此蕭閑地妃子笑君王醉紅雲
剛紅白雨至四月紅七夕紅妃子笑俱荔支名

又

漢和帝唐元宗貢荔支吾粵中風流天子住離宮遶宮
百樹紅雲紅醉賞名花事不同漢唐天子誰英雄催放
隔水紅芙蓉瓊漿夜咽金尊空長日正如年朝莫樂何
極何意火山紅頓教天水碧

降王長

大梁布衣偏偶儻執挺自詡降王長大夫倘悔蕭閑甚

天子尙作風流想荒淫僭國五十年駢首就戮非寡恩
口辯諛諧身獲全滅亡之主何譏焉君不見劉禪及孫
皓絕無心肝陳叔寶

農具詩同黃石溪明經作

犁耙

起土切宜深破土切宜細

見農政全書

此中有至理農夫說

經濟耕田不識字乃許大智慧春及告年年長鏡閱身
世

又

桓寬說木耕况饒佛山鐵嶺南再熟稻要月春秋別犁

一而耜六

見種蒔直說

始事容滅裂候時輒上岸穫穀啼聲

徹

穫穀鳥名見荆楚歲時記

茅挑

此亦丈人杖居然植以芸耕者却需汝少年端藉君播
穫往來並取攜擔荷勤木信不如竹物宜堅脆分

又

刮摩淨如拭肩楨鎮日挑沿溪富筋竹斫作榔栗條田
間擔稗歸便足終歲燒有時還荷薪力農偏作樵

鋤

無資誰帶經非種待拔劍憑仗治蕪穢芟除冀收斂荷

歸信閑福獨許淵明占孤負月如水梅花種亦厭

又

夫人能爲罽路越亦土宜德色或秦人具足借轉癡豈
有蘭當門去草百不知爲農待時慣畢竟憑鋤基

鎌

刈穫本快甚

見南史

倉箱憑短鎌宴逸復誰悟艱難期汝

兼鉤棘倘相類篝車原不嫌側聞逸雅說所取卻能廉

又

亦似劍橫腰彎環學新月小用偶芟草秋成喜勃發樂
聞札札聲農功轉未歇儉歲早晚收勤勞第吾粵

竹笠

量晴課雨慣負戴長相保放鴨東風急驅犢斜陽早冬
春備物閑午饁圓陰好霑塗未遑屐誰議仿坡老

又

編得葵田葵縱橫翠篾織喜聞雨瀟瀟扶犁易努力時
或簪野花鋤禾午未息相逢戴懶揖乘車復誰識

蓑衣

漁樵豈無分歸耕風雨多瞻蒲響獨切插秧期敢過苗
新翠欲滴穀賤晴如何定卜歲大有肩換紈與羅

又

開田卽請雨雨濕全相仗誰笑綠毛翁

見皮日休詩

漁家例

一槩不厭連日披豐年殆可望雨多或祈晴翻嫌雨無當

飾箕

粃糠落如雨疎密能相宜離離學月滿菽菽當風吹米
潔勝桃花笈柔編竹絲不信賜阿牛金筐銀簸箕

見鄭
嶠津

陽門
詩

又

誰復解禪悅米熟未經篩

見傳燈錄

玉粒供晨炊豈獨煩簸

箕糠粃使在前屑嘲范榮期冬至作粉角聞更須罌

見事物
原始

穀圍

長圍不復解中可支十年忽作湯池圓轉學金城堅依
舊似露積莫空論古先諒無鼠雀耗亦當防未然

又

江干黃竹多偶仿倉箱例組織自然合儲待竟雲際此
君真圓通積貯願環衛百萬黃榜標錢愚轉非計

磨

法輪亦常轉農家解禪課

見釋曉堂
羅湖野錄

敢笑文休賤竊愁

工部餓圓機精鑿漸進力秕糠破麥熟竟未閑林間鳴

鍛磨禽名戴復古詩磨鳴時大麥黃

又

年豐轉獨快歲儉運豈遲見齊諸記人力蹇驢似鬼推言太

奇騰騰歲復年耗日或未宜見月令廣義守者魏陽元不鈍

無人知

碓

冬春米不壞敢作經年計見范石湖集運機有水碓商量仁

新製涼鐙倦肯停疎砧響嫌細元且餽茶素見新語研粉

聲相繼

又

隱隱疊鼓聞寒春夜何長省識十分秋微聞秔稻香春

多米不碎燥曝還經霜細腰杵亦當祭漫希劉十郎見

話堂閑

水車

水與牛俱巧見三才圖會終宜人踏翻形勢海山錯晴明阡

陌喧豔陽卽相須連雨或不煩且嫌桔槔拙抱甕歸灌

園

又

旱魃未爲虐棄置復奚用甯使長物如免慮田難種有
時補天功神效爭推重嶺外半梯田凶豐宜汝共

風櫃

誰司橐籥權微風
颯然起新穀淨無埃
浙瀝瓶瀉水颯
輪本若馳激揚隨手裏
野馬半空中乾潔可藏矣

又

粵人古謠諺吹糠便見米
新穀乍登場偏教淨如洗
鼓盪葭灰飛妙理足相抵
穀盡轉無功機緘復誰啟

論粵東金石絕句

錄八十二首

果緣交趾未銷磨
萬古人知有伏波
唐晉威靈東漢似
由來銅柱馬家多

銅柱

前有文淵後孔明
嶺南端自伏波營
金銀釵叩何從別

肯合溪蠻浪得名

銅鼓

故曲紅山原曲江嶺南東漢碑無雙使君名佚姓猶在

樂昌縣前昌樂瀧

桂陽太守周府君碑

偏使張瓊解賦詩議郎舊宅隔江滄有人卜築題南雪

賸見扶留綠繞籬

漢磚

鑒古人知典午年永興磚又永嘉磚世將逸少工行楷

篆隸無多藉汝傳

晉磚

廣州人永祝平康據有王機說渺茫吉語侯王兼壽考

奈何先決九州荒

全上永嘉碑篆文有作永嘉世九州荒余廣州平且康十二字者然考

之晉書王機以永嘉六年據廣州則亦非無事之日也

席帽山空迹未湮芝蘭湖水傍城闔訪碑心事還誰識

便說題詩魏晉人

蘭湖斷石見楚庭碑珠錄

廳事東難覓斷碑年來應泐隱之詩貪泉銘

陳元伯黃諫黎民表

又貪泉對

邛馮立

李勉

而還復有誰

貪泉石刻

河洛猶然讖渺茫

同見南齊書祥瑞志

子孫承寶兆高涼齊臣祥

瑞非齊帝閔十餘年國屬梁

銅獸銘

徐陵蕭繹兩碑銘不復歸然刺史廳補刻河東王舊作

六朝著撰愜山靈

梁蕭譽羅浮山銘

祠前鐫石漫無辭

見坡集

此事端明更讓誰巾幗也同錢

武肅表忠觀立待書碑

誠敬夫人廟碑

初祖西來一字無慮居士語况從誣故當一例曹溪鉢

擊碎甯嫌魏校癡

南華六祖
墜腰石

頭塘塔頂拓應新考古如逢六代人仁壽二年文字確

較元卿鑄鏡銘真

隋磚

元卿鏡銘阮通志定
爲隋末唐初之物本無確據

宋墳尙有鮮唐墳大業重來骨未焚異教入人深似此

至今膜拜尙殷勤

回教先賢
古墓殘碑

崧臺石室記何年書倩他人亦枉然大筆淋漓題景福

千秋留鎮粵山川

李愷
墨刻

開道豐功相業看興甯遺筆也凋殘曲江集在鴻篇著

度嶺人偏未補刊

張文獻開
大庾嶺記

書從季海半模糊載到曾元有後無

見金石錄

去蜀思公言

不妄建中年始贈司徒

張文獻碑並贈司徒告

廣利王今爲護持白鸚鵡賦筆書宜雄文已足高千古

端數南中第一碑

南海神廟韓碑

廣利崇祠拜冕旒旂幢蓋海動邊愁富文閣上存碑版

憑仗威靈到六侯

六侯之記

酋長逃禪未算癡唐書孝友傳中知金輪製字無人識

金石家偏著錄遲

龍龕道場銘

識石幢中咒語多觀音千手眼如何建從唐代非淳化

蒲澗知名寺也訛

寶曆石幢

塔藏舍利佛應知寺建咸通正此時鸚鵡葬題鸚鵡塔

刻從師簡未須疑

舍利塔磚萊寺前唐咸通年

案塔在英德洽光司蓬

三字佛作弗通借字耳

輿地紀勝載咸通中師簡葬鸚鵡於塔側名爲鸚鵡塔疑此字卽師簡所書刻

師簡所書刻

菩提樹下論風旛四大俱空髮塔存萬厯碑殊儀鳳舊

肉身菩薩總無言

光孝寺髮塔

幕府偏聞佐隴西

見輿地紀勝

仙人室裏舊留題翁名桑苧

茶經就第一泉應許泐溪

陸鴻漸墨刻

山到滇陽轉耐看碧瀾寸寸逼秋寒李蕃撰記知何似

仍爲周夔寫到難

到難

燕喜名亭後記存方崧卿語可同論會昌易石當仍舊

差喜文公有外孫

燕喜亭記已謂石記斷

李旼後記

按李旼所

謂南宋尙存恐未必然矣

乞坡老寫不曾停

見河東先生集注

節度堂兼刺史廳柳子厚

同劉夢得曹溪六祖兩碑銘

大鑿禪師兩碑

難覓咸通舊寺梁開元名寺隸洽光書同虞柳真遒勁

却見心經第一行

開元寺心經磚

案輿地紀勝洽光

虞柳所書阮通志謂已佚誤此磚道光甲申白小山學

使得其一以贈雲臺宮保師爲心經第一行摩訶般若

波羅密多入字余嘗見其拓本又紀勝載寺有咸通十三年題梁疑此亦同時書也

天威遙溯自高駢陸有川遙本了然札闥洪麻偏不悟

天威遙碑

文從字順屑仍前

乾化元年六月宜城池安事作牆池端州同避朱梁諱

南海王初據粵時

清泉禪寺
銅鐘款文

語紀康陵獨漉堂光天貽誤到朱竹王阮多應說本蓮

鬚閣疑以傳疑儘不妨

南漢康陵碑

斷碑猶在有無間石獸龜趺不等閑此亦阿瞞疑豕類

婦人墓志說陵山

懿陵碑
南海百詠
見

邵廷珩在禹餘宮內太師偏品秩崇沈口廟存碑再泐

摩挲殘缺話精忠

鎮象塔記

錢到乾亨物力窮金輪寶相峙西東錢家亦有金塗塔

拓本儲藏尺幅中

兩鏡塔銘

果信蘇齋有定評朱竹錢竹題跋未分明訶林丈室儂

曾住宦者沙門各鑄名全

六州鑄錯也知無鞏固堅牢府庫須魚鑰不呈藏鑿失

百年掾吏護身符鍊柱見

恭巖札記

劉王生日有游人劉氏碑存亦有因坡老題名今不見

趙佗疑冢覓麒麟碧虛觀碑

見南海百詠

盧瓊仙又李蟾妃訪素馨斜牘落暉卻有研銘文簡重

絕憐女子字離非離非女子研銘

見池北偶談

此亦西湖聽棹歌路旁碑字復摩挲李髯南來作潮陽

令遠寄錢竹孫淵拓本多拓路

如

宗門文字有雷

嶽

陳守

中派衍雲門得替人誰證大慈雲

賜諡後爲匡聖始匡真

匡真

大師塔銘

匡聖大師碑塔銘見乳源縣志阮通志

未著錄

桃花香煖映芝田

原詩句

撥破紅塵不計年循吏通儒名

士貴下場偏去作神仙

五仙觀古仙碑

金少端難比石多乾甯鐘款

在肇慶譙樓

又乾和

在增城萬壽寺竹

垞但見咸平鑄并景雲稱論亦苛

光孝寺咸平鐘

委鬼謠聞慶历年魏公經畧子城先倘知儂智高將叛

不爲遺磚也築先

廣州古磚見南海百詠

文惠當年誓斬蛟祠中朽骨莫輕拋至今雄畧人誰學

祭鱷魚文盥手抄

鎮鼓
黃通志
見

祝融廟祀忝追陪黃木灣仍瘴海隈韓退之文師孟記

昔人鄭重使君來

程師孟
禱雨記

故居不獨井欄銘賸墨還書野吏亭海外文章儋耳謫

六無帖佚話伶俦

東坡
墨刻

南來萬里儘蕭閒白髮逃禪翰墨間前世德雲今佛印

大金山又小金山

全
上

六榕兩大字巍峩坡老還書證道歌王子安碑偏待泐

寶莊嚴字鬼神呵

六榕寺
墨刻

元祐完人一字無顏濱銘佚

曹煥銘蘇頌濱
撰見輿地紀勝

賸髯蘇不

須黨藉碑重泐碧落題名鄭介夫

在英德

藥洲石斲古榕間省識熙甯作令聞仍署滄漚知贖本

陽山人泐且看山

米元章墨刻

訪石書名筆有神諸賢仕履半難真獨憐曾子宣題字

宋史姦臣傳裏人

曾布題名

伯紀題名半渺茫遂溪巖石署湖光往還曾不踰旬日

瀕死彌嗟李贊皇

李忠定墨刻

真草兼工寫不停思陵宗法獨蘭亭不知二聖還何日

天下諸州刻孝經

宋高宗真草孝經殘本見玉海趙希弁讀書附志

檜黨南遷勝築廬千年花鳥恨何如李忠定與胡忠簡

不爲行窩特賜書

高宗御書順菴刻石
扁見南海百詠

業定偏安到阜陵
噬臍異代感難勝
栽層山盡頭何處

桂子荷花抵中興

孝宗張文獻像題贊

陸劍南曾到嶺南
番禺漫尉靜中參
由來天下多詩境

是處眞宜老學菴

陸游詩境二字

預備磚營馬鬣封白雲
山麓偶遺蹤
路人解說劉王冢

景定年知宋理宗

景定磚見雙槐歲鈔

傳有胡明仲記成
一千二百丈誰爭
年來到處思防堵

安得森嚴笏竹城

見輿地紀勝

孤臣張陸字無存
弔古厓門甲子門
一闕沁園春樂府

文山遺筆壯乾坤

文信國
墨刻

見面亭存集裏詩宋朝故事復誰知鼎科不貴能殉節

千載名傳郡學碑

御賜狀元張鎮孫以下詩并和
詩謝恩詩石刻見雙槐歲鈔

菩提有樹鏡非臺大道場先六祖開幾度讀碑廊下立

輒疑王伯厚曾來

大鑒禪師殿記
有王應麟非深甯叟也
題名

石逕松門芳草深落花滿院香沈沈舊句何似歸來山月

白長嘯一聲鸞鶴音

羅浮石
竈詩

直從元祐第三年水滴涓涓尙宛然海外自鳴鐘較捷

試將剝復問銅仙

延祐
銅壺

是六榕鐘不記年七仙古寺又西禪空門金石猶如此

人海滄桑任變遷

延祐
銅鐘

虞

集

揭

侯

相推各賞音 鄭虔三絕總傾心 孔庭祭器春

秋列博士誰知傳若金

銅

鐘銘能作古文詞 平定交南錄

耶濬
撰

更疑曾隸版圖聲

教在端如木客解吟詩

昭光寺
鐘銘

丹竈神仙迹已亡 行菴遺址問枕椰 誰知德有鄰堂外

更有人書載酒堂

元周伯琦有載酒堂
碑 見海槎餘錄

廣平難覓舊堂基 遺愛碑偏賸去思 方麓李君賢直指

撰文人卻令人疑

李方麓去思碑在觀音山
黃士俊撰 見南海縣志

黃沙委鬼語 分明種柳看花豈 定評挖破老龍人不識

居然吹箭入佗城

粵秀山石碑
見觚牘

江門風月獨稱詩碧玉樓高百世師忍字讚存茅筆寫

學張公藝晚年時

陳文恭
墨刻

西樵聲價未應低唐宋元朝不可稽文簡湛文襄方文

敏

霍後好山隨處有留題西樵
石刻

南園前後十先生一代稱詩有盛名瑤石山人碑版在

三皇真像與三清

黎維敬
墨刻

破倭當日策殊勳閩浙仍傳盪寇氛持贈今無陳侍御

况論功比戚將軍

戚南堂繼光劍銘
岑激選選樓集自註

見

德清名與達觀齊光孝中興佛力低傳得老盧衣鉢否

飄然卓錫返曹溪

慈山重興六祖戒壇碑

禺峽端宜隱士家
萋宏碧血事堪嗟
誰知笠屐湖山住

兒女心情葬落花

朱叔子花阡表
見蓮鬢閣集

故研儲藏近屬誰
天風從古夜泉吹
難尋海雪堂遺址

照影訶林洗研池

鄭海雪墨刻
見廣州游覽小志兩當軒集

妻妾全家恨死遲
王將軍與有榮施
遺骸十七人同葬

天下應無第二碑

王興墓碣

壯士宜賡薤露歌
未應名姓特傳說
王師定粵煩諸

將斷碣偏題杜永和

光孝寺夢庵靖南王諸將題名
案新舊通志縣志悉紀庚寅冬城

破永和從海道奔瓊州爲亂兵所殺顧兩題碣俱
有其名且與連得成吳六奇等齊刊恐誤否俟考

開國分藩異姓王摩挲斷碣事茫茫粵人痛恨僧尼願

欲報深恩藝瓣香

報資寺平南親王尚俺達公墓碣謹案八旗通志尚之孝傳康熙二十

年五月之孝疏請迎其父兄骸骨於廣州歸葬海城得

旨俞允何以不還又國史逆臣傳尚之信傳已明載

康熙十九年諭旨有云念其曾授親王姑從寬賜死

聖恩高厚尚不忍處以極刑則鈕琇觚賸焚屍揚灰

之說且未確又俺達即請達王府護衛首領之稱之信

入侍世祖時曾挑御前侍衛兼衛首領之稱之信

封親王豈復有此稱謂鈕氏不解國語粵觚

中層見疊出想亦爲寺僧題碣所誤歟俟考

東臯武廟豔輪囷特鑄洪鐘款識新遍索銘詞知好事

國初諸老屈梁陳

王之蛟東臯關帝廟鐘

嶺南經術始虞翻遷謫會居建德園佛界莊嚴容著脚

五千年後與招魂

光孝寺虞仲翔祠碑見賞雨茅屋外集

不合時宜總惱人六如參透話前因齊梁文字真消得

吳穀人端讓樂鈞

重修胡雲墓碑

見有正味齊青芝山館兩集

樂志堂詩集卷五